

# 16 - Allestitivi, cari amici

Testo e melodia registrati a S. Andrea dello Jonio nel giugno 1983 dalla viva voce di Assuntina Ranieri (63 anni).

*Andante*



Al - le - sti - ti - vi, ca - ri a - mi - ci, questi  
jùarni de No - ta - la : oh chi fe - sta, oh  
chi triun - fan - ti è lu Glo - ria Pa -  
tra!

1.

Allestitivi, cari amici,  
questi juarni de Notala,  
oh chi festa, oh chi triumfanti  
e' lu Gloria Patra!

2.

A lu cialu gran festa si faccia,  
jam'a la chiesa e cantamu ancora,  
e la terra cio' chi m'adora  
e de rose e fiori.

3.

E' gia' natu lu Redentori,  
porta bene e porta vita;  
ogni grazia ch'a nui n'invita  
e' l'unioni.

4.

Porta vita, ma pe li buani,  
pe li mali lu su' aiutu;  
tutti chiddi chi l'hannu perdutu  
lu vann' a truvara.

5.

E lu vannu pe ritrovara  
ch'ha lasciatu 'na bona via;  
a lu cialu chi non 'nc'e' bia,  
ca 'nc'e' 'nu sigillu.

6.

Non guardati ch'e' picciriddu,  
ch'esti randi e onnipotenti,  
esti puru nostr'assistenti  
fin'a la morta.

7.

Fusti natu a menzannotta  
friddu e nudu e povariaddu,  
comu tantu rispettusiaddi  
'nta chidda pagghja.

8.

Fusti copertu cu d'una tuvaghja,  
fusti copertu co veru amore;  
la tua mamma cu tantu spendori  
ti stringeva a lu pettu.

9.

O divinu miu Pargolettu,  
li sant'angiali calaru:  
a Maria la cumbitaru  
'nte 'na capanna.

10.

Chidda notta chi chiova ch'e' manna,  
chidda notta desiderata;  
e chidd'erba tanta argentata  
sculava mela.



11.

Non e' biarnu ch'e' primavera  
ed io mi 'nd'angannu.

12.

E nu vua cu d'un asiniaddu  
ch'aduravanu lu gran santu,  
san Giusiappu ch'e' benerandu  
ed e' vecchiariaddu.

Cfr. i numeri precedenti 9 -15,  
e quelli citati di Lombardi Satriani.